



Broj: 07-04-01-05-9791-1/17
Sarajevo, 12.04.2017. godine

SKUPŠTINA KANTONA SARAJEVO
- o v d j e -

Predmet: Odgovor na zastupničko pitanje

Zastupnica u Skupštini Kantona Sarajevo Mersiha Mehmedagić, na 26. Radnoj sjednici Skupštine Kantona Sarajevo održanoj dana 22.03.2017. godine, u okviru tačke Dnevnog reda "Zastupnička pitanja, inicijative i odgovori", postavila je:

ZASTUPNIČKO PITANJE

Molim Ministarstvo privrede i Ministarstvo za boračka pitanja da mi dostave izvještaje o utrošku sredstava za pozicije "Podsticaj razvoju male privrede" i "Transfer za podsticaj zapošljavanja branilaca i članova njihovih porodica" za 2016. godinu, te u sklopu izvještaja odgovore na sljedeća pitanja:

- Sa kim su potpisani ugovori i po kakvim uslovima?
- Koje su obaveze ugovornih strana?
- Koliko novih radnih mjesta je obezbijeđeno implementiranjem navedenih sredstava?

ODGOVOR:

Dostavljamo Vam odgovor na dio postavljenog zastupničkog pitanja koji se odnosi na utrošak sredstava Budžeta Kantona Sarajevo za 2016. godinu - Ministarstvo privrede, na poziciji "Podsticaj razvoju male privrede" (ekonomski kod 614 300).

Na osnovu člana 11. Zakona o poticaju razvoja male privrede (u daljem tekstu: Zakon), Godišnjeg plana provođenja Programa razvoja male privrede za 2016. godinu i Programa utroška sredstava sa kriterijima raspodjele sredstava "Poticaj razvoju male privrede" za 2016. godinu ("Službene novine Kantona Sarajevo", broj 20/16) planirana sredstva namjenjena su kao poticajna sredstva za provođenje mjera i aktivnosti usmjerenih na ekonomski rast i razvoj subjekata male privrede (MSP) u Kantonu Sarajevo.



IZVRŠENJE OBAVEZA

prema Godišnjem planu provođenja Programa razvoja male privrede za 2016. godinu, Programu utroška sredstava sa kriterijima raspodjele sredstava "Poticaj razvoju male privrede" za 2016. godinu i Budžetu Kantona Sarajevo za 2016. godinu - na poziciji "Podsticaj razvoju male privrede"

U skladu sa članom 4. Pravilnika o postupcima u provođenju Programa razvoja male privrede ("Službene novine Kantona Sarajevo", br. 17/16, 30/16 i 42/16 - u daljem tekstu: Pravilnik), Ministarstvo privrede je raspisalo Javni poziv za izbor korisnika poticajnih grant sredstava, i isti objavilo dana 16.06.2016. godine u "Službenim novinama Kantona Sarajevo", broj: 24/16 i dnevnom listu "Avaz". Javni poziv je objavljen u skladu sa Programom utroška sredstava sa kriterijima raspodjele sredstava "Poticaj razvoju male privrede" za 2016. godinu i trajao je 30 dana. Javni poziv je dostavljen i objavljen na web stranicama Privredne komore Kantona Sarajevo i Udruženja poslodavaca. U 2016. godini provedeni su programi poticaja razvoja male privrede u skladu sa sljedećim Odlukama Vlade Kantona Sarajevo:

I Odluka o izboru korisnika poticajnih grant sredstava za 2016. godinu -----246.555,34 KM

Odluka Vlade KS, broj: 02-05-26600-16/16 od 01.09.2016. godine ("Službene novine Kantona Sarajevo", broj 36/16) po osnovu sljedećih programa:

Program: Subvencioniranje kamata po preuzetim kreditima----- 52.253,04 KM

Provođenjem Programa omogućeno je da se korisnicima kredita (MSP) odobrenim u komercijalnim bankama u 2013., 2014. i 2015. godini, a čija namjena je bila nabavka osnovnih sredstava, opreme i/ili finansiranje investicija za rast i razvoj subjekata male privrede, subvencionira dio troškova plaćene kamate u visini od 25% plaćenih troškova kamate na kredite sa efektivnom kamatnom stopom 5 do 7%, a na odobrena kreditna sredstva koja imaju efektivnu kamatnu stopu u rasponu od 7 do 10% subvencija je iznosila 40%. Po ovom Programu je ukupno 8 (osam) subjekata male privrede dostavilo kompletnu dokumentaciju i sa njima su potpisani ugovori, i to: Consa d.o.o. Suljević – cipelići Co d.o.o.; Poliklinika "FM"; Mujanović d.o.o.; Aida – commerce d.o.o.; Cito d.o.o.; Bosnet group d.o.o. i MDG International d.o.o. Namjena odobrenih sredstava je za dalja ulaganja u obavljanje registrovane djelatnosti, te za održivost, rast i razvoj subjekata male privrede o čemu su korisnici subvencije uz Izvještaj o utrošku sredstava dostavili i dokaz (izvod sa računa banke) o utrošku sredstava.

Program: Unapređenje institucijske preduzetničke infrastrukture ----- 135.800,00 KM

Ovaj Program podrazumijeva sufinansiranje programa/projekata nosioca Programa razvoja u skladu sa čl. 16. i 17. Zakona, odnosno Jedinica lokalne samouprave i Regionalne razvojne agencije SERDA u oblasti male privrede. Poticajna mjera podrazumijeva subvencioniranje troškova nosioca programa razvoja male privrede u postupku izgradnje business start up centara ili poslovnih inkubatora, ulaganja vezana za adaptaciju i/ili rekonstrukciju radi uređenja prostora business start up centra, poslovnog inkubatora, te pružanje stručne podrške i obuke, edukacije i promocije preduzetništva na području Kantona Sarajevo. Prihvaćene i odobrene su ukupno 2 (dvije) prijave, i to projekat Općine Ilijaš za izgradnju "Centra za održivi razvoj i podršku biznisu" uz sufinansiranje Općine u iznosu od 36.000,00 KM i program/projekat RRA SERDA "Jačanje poslovne infrastrukture za institucionalno praćenje, edukaciju i razvoj malih start up preduzeća na području Kantona Sarajevo i formiranje i ažuriranje baze podataka o registrovanim obrtima" uz sufinansiranje RRA SERDA u visini od 14.400,00 KM. Sa oba korisnika su zaključeni ugovori o sufinansiranju navedenih projekata.



web: <http://mp.ks.gov.ba>
e-mail: mp@mp.ks.gov.ba
Tel: + 387 (0) 33 562-121, + 387 (0) 33 562-122
Fax: + 387 (0) 33 562-226
Sarajevo, Reisa Džemaludina Čauševića 1



Program: Obrazovanje u preduzetništvu ----- 35.000,00 KM

Prihvaćen i odobren je program/projekt privrednog subjekta sa sjedištem na teritoriji Kantona Sarajevo, registrovanog za pružanje usluga u oblasti informaciono komunikacionih tehnologija, kojim je realizovan program/projekt intenzivne obuke i osposobljavanja, a kojim se omogućava poboljšanje kvaliteta i upotreba savremene informacijske i komunikacijske tehnologije. Dostavljeni projekat je namijenjen mladim i preduzetnicima početnicima, kojima je nakon provedene edukacije omogućeno da se bave djelatnostima baziranim na znanju i savremenim informaciono komunikacionim tehnologijama (IKT) sa krajnjim ciljem otvaranja start up subjekata male privrede.

Aktivnosti planirane ovim projektom su impementirane u tri faze. U prvoj fazi je izvršen odabir mladih poduzetnika i startup kompanija, te izvršena selekcija polaznika obuke. U drugoj fazi je vršena obuka i obavljeno je 20 treninga odabranih polaznika u IKT tehnologijama. U trećoj fazi je došlo do povezivanja najboljih startupa sa poslodavcima i započet je proces registracije novih 5 startup kompanija i jedne freelance firme koja zapošljava mlade developere i volontere/pripravnike koji su prošli proces obuke i treninga.

Program: Unaprjeđenje rada udruženja obrtnika ----- 12.000,00 KM

Program je namjenjen za subvenciju finansiranja rada obrtnika, Obrtničke komore i udruženja obrtnika, razvoj i afirmaciju starih tradicionalnih zanata, očuvanje obrtničke tradicije, kulturnog i historijskog nasljeđa tradicionalnih i starih obrtničkih djelatnosti, edukacije i stručno osposobljavanje u cilju jačanja veza između obrazovnog sistema i obavljanja obrtničkih djelatnosti. Prihvaćen i odobren je program/projekt Obrtničke Komore Kantona Sarajevo – OKKS, za održavanje radionica sa učenicima završnih razreda osnovnih škola na kojima su prezentovani stari tradicionalni zanati, kako bi se što više mladih u daljem školovanju opredjeljilo za obavljanje ovih djelatnosti. Uz suglasnost Ministarstva za obrazovanje, nauke i mlade predstavnici obrtničkih radnji održali su radionice u 26 osnovnih škola u Kantonu Sarajevu. Ukupno je angažovano 32 obrtnika širokog spektra zanimanja (brijač, limar, kazandžija, krojač, zlatar, obuçar itd.), a radionicama je prisustvovalo ukupno 1.370 učenika.

Program: Podrška u uvođenju i certificiranju kvaliteta i standarda EU – 11.502,30 KM

Program je namjenjen za subvencioniranje dijela troškova (u iznosu od 60% priznatih troškova) subjekata male privrede za konsultantske usluge ili edukaciju kod uvođenja sustava i standarda kvalitete, certificiranje sistema, certificiranje proizvoda CE oznaka kao dokaz o usklađenosti vlastitih proizvoda prema normama i smjernicama EU, troškove stjecanja prava upotrebe znaka ISO, HACCP, HALAL i drugih standarda u cilju afirmacije privrednih subjekata na domaćem i INO-tržištu. Namjena odobrenih sredstava je za dalja ulaganja u obavljanje registrovane djelatnosti i dalji proces usklađivanja vlastitih proizvoda prema normama i smjernicama EU, troškove stjecanja prava upotrebe znaka ISO, HACCP, HALAL i drugih standarda, o čemu su korisnici subvencije dostavili dokaz uz Izvještaj o utrošku sredstava (izvod iz banke). Prihvaćene i odobrene su ukupno 4 (četiri) prijave subjekata male privrede, i to: Herbos nature d.o.o.; Mujanović d.o.o.; Halilović d.o.o. i Bosnet group d.o.o.. Sa svim korisnicima poticajnih sredstava su zaključeni ugovori o sufinansiranju navedenih projekata.

II Program: Kreditiranje subjekata male privrede pod povoljnijim uslovima

Stvaranje konkurentnog, dinamičnog, inovativnog, zdravog i osposobljenog preduzetništva za održiv ekonomski rast i razvoj zahtjeva da privredni subjekti moraju imati adekvatan i konkurentan nivo tehnologije, opreme i kvalificirane radne snage, te u skladu sa tim privredni subjekti imaju potrebu za većim obimom finansijskih ulaganja. Visoka cijena kapitala ima za posljedicu da se veliki broj registrovanih privrednih subjekata nalazi u problemu na koji način osigurati finansijska



web: <http://mp.ks.gov.ba>
e-mail: mp@mp.ks.gov.ba
Tel: + 387 (0) 33 562-121, + 387 (0) 33 562-122
Fax: + 387 (0) 33 562-226
Sarajevo, Reisa Džemaludina Čauševića 1



sredstva za uredno obavljanje registrovane djelatnosti. Jedan od strateških ciljeva Vlade Kantona Sarajevo i Ministarstva privrede je unaprjeđenje dostupnosti izvorima finansiranja za privredne subjekte (MSP), a njegova realizacija predviđena je programom kreditiranja subjekata male privrede pod povoljnijim uslovima. U cilju realizacije navedenog Programa, Vlada Kantona Sarajevo je na prijedlog Ministarstva privrede donijela sljedeće Odluke:

1. Odluka o utvrđivanju ukupnog iznosa sredstava i visini subvencionirane kamatne stope, te zaključenju Ugovora sa Sarajevskom regionalnom razvojnom agencijom – za potrebe Kreditno – garantnog fonda SERDA ----- 770.000,00 KM

Odluka Vlade KS, broj: 02-05-25681-6/16 od 25.08.2016. godine ("Službene novine Kantona Sarajevo", broj 36/16). U cilju osnivanja, implementacije i realizacije Kreditno-granatnog fonda za privredne subjekte, ovom Odlukom Vlada Kantona Sarajevo je omogućila da se korisnicima kredita (MSP), koji se realizuju putem Sarajevske regionalne razvojne agencije u okviru Kreditno-granatnog fonda SERDA, subvencionira dio kamatne stope na odobrena kreditna sredstva. Visina subvencionirane kamatne stope na kreditna sredstva iznosi tri (3) p.p. (procentna poena) ugovorene kamatne stope na odobrena kreditna sredstva, za korisnike kredita čije je sjedište na području Kantona Sarajevo. Ugovorom se RRA SERDA obavezuje na: provođenje svih potrebnih aktivnosti koje se odnose na subvencioniranje kamatne stope i vođenje evidencije o ukupnom i pojedinačnom stanju isplaćenih namjenskih novčanih sredstava, da Ministarstvu privrede dostavlja „Izveštaj o implementaciji dodijeljenih sredstava”, sa svom pratećom dokumentacijom o utrošenim sredstvima. Nadzor nad implementacijom namjenskih novčanih sredstava vrši RRA SERDA koja prati utrošak novčanih sredstava i izvršenje preuzetih obaveza, te o realizaciji sredstava putem KGF podnosi detaljan Izveštaj Vladi Kantona Sarajevo.

2. Odluka o utvrđivanju ukupnog iznosa sredstava i visini subvencionirane kamatne stope po osnovu Ugovora o poslovnoj saradnji sa BBI Bankom ----- 1.930.000,00 KM

Odluka Vlade KS, broj: 02-05-30410-13/16 od 20.10.2016. godine ("Službene novine Kantona Sarajevo", broj 43/16). Na ovaj način omogućeno je korisnicima kredita obezbjeđenje finansijskih sredstava za investicije i osnovna sredstva (dugoročna finansiranja) i trajna obrtna sredstva do iznosa od 1.000.000,00 KM uz subvencioniranje dijela profitne marže (kamatne stope) u visini od tri (3) p.p. (procentna poena) ugovorene kamatne stope na odobrena kreditna sredstva, za korisnike kredita čije je sjedište na području Kantona Sarajevo. Ugovorom se Ministarstvo se obavezuje da svakom Korisniku sredstava iz predmetne finansijske linije polugodišnje subvencionira dio godišnje profitne marže u procentu od 3,00 % (3 procentna poena), nakon što BBI (putem polugodišnjeg monitoringa) utvrdi da Korisnik sredstava uredno i kumulativno ispunjava obaveze, te isto dokumentuje Obrascem 2001. Monitoring se provodi do kraja narednog polugodišta za proteklo polugodište. BBI se obavezuje da će polugodišnje Ministarstvu dostavljati izvještaj o realizaciji finansijske linije, Izvještaje krajnjih korisnika finansiranja i svu neophodnu dokumentaciju putem koje će se moći utvrditi namjensko trošenje sredstava u skladu s ugovorom između BBI i Korisnika sredstava. Od strane privrednih subjekata za ovu poticajnu mjeru iskazano je veliko interesovanje i odobravanje obzirom da su obezbijedena kreditna sredstva za mala i srednja preduzeća pod najpovoljnijim uslovima. Podneseno je 106 urednih zahtjeva čiji ukupan iznos traženih sredstava za finansiranje premašuje iznos od 63.000.000,00 KM. Na pitanje "Koliko novih radnih mjesta je obezbijedeno implementiranjem navedenih sredstava?" detaljan odgovor je moguće dostaviti nakon provedenog polugodišnjeg monitoringa (jun-juli 2017. godine) i dostavljenih izvještaja banke i krajnjih korisnika kredita.

III Očuvanje i razvoj tradicionalnih starih zanata i drugih obrta u Kantonu Sarajevo

1. Odluka o odobravanju sredstva iz Budžeta Kantona Sarajevo za 2016. godinu za sufinansiranje troškova manifestacije "Dani otvorenih vrata Obrtničke Komore Kantona



web: <http://mp.ks.gov.ba>
e-mail: mp@mp.ks.gov.ba
Tel: + 387 (0) 33 562-121, + 387 (0) 33 562-122
Fax: + 387 (0) 33 562-226
Sarajevo, Reisa Džemaludina Čauševića 1



Sarajevo" u organizaciji Obrtničke komore Kantona Sarajevo, broj: 07-04-14-10639-1/16 od 10.05.2016. godine ----- 1.500,00 KM

2. Odluka o dodjeli podsticajnih sredstava u skladu sa Uredbom o kriterijima i postupku za ostvarivanje prava na podsticajna sredstva za očuvanje i razvoj tradicionalnih i starih zanata-obrta, broj: 07-04-14-19683-11/15 od 29.12.2015. godine ----- 98.440,00 KM

U oblasti zanatstva-obrta u 2016. godini Ministarstvo privrede Kantona Sarajevo je, kao i prethodnih godina, u budžetu za 2016. godinu planiralo finansijska podsticajna sredstva za očuvanje i razvoj tradicionalnih i starih zanata-obrta u iznosu od 100.000,00 KM. Javni poziv je objavljen u dnevnom listu "Avaz" dana 20.07.2016. godine. Ukupno je primljen 231 zahtjev-prijava. Nakon provedenih postupaka u skladu sa Uredbom o kriterijima i postupku za ostvarivanje prava na podsticajna sredstva za očuvanje i razvoj tradicionalnih i starih zanata-obrta ("Službene novine Kantona Sarajevo", br. 15/10 i 29/11), donesena je Odluka kojom se utvrđuje lista od 214 obrtnika – zanatlija za dodjelu podsticajnih sredstva, u pojedinačnom iznosu od 460,00 KM.

Provedeni programi u 2016. godini su u skladu sa: Strategijom razvoja Kantona Sarajevo do 2020. godine ("Službene novine Kantona Sarajevo", broj 41/16), Zakonom o poticaju razvoja male privrede ("Službene novine Kantona Sarajevo", broj 29/15) i Pravilnikom o postupcima u provođenju Programa razvoja male privrede ("Službene novine Kantona Sarajevo", br. 17/16, 30/16 i 42/16).

S poštovanjem,

MINISTAR

Dr Muharem Šabić

Dostaviti:

1. Naslovu
2. Vlada Kantona Sarajevo
2. Evidencija
3. a/a

Pripremio: Bruno Vištica

Kontrolisao: Nedžad Mekić



web: <http://mp.ks.gov.ba>
e-mail: mp@mp.ks.gov.ba
Tel: + 387 (0) 33 562-121, + 387 (0) 33 562-122
Fax: + 387 (0) 33 562-226
Sarajevo, Reisa Džemaludina Čauševića 1

